

ՍՏԵՓՆԵ ՕԼՆԵՋՆԵՒԻ ԿԵՄՍԵՐԵԿԱՆԸ (1873—1955)

Սույն թվականի հոկտեմբերի 9-ին, ծանր հիվանդությունից հետո, վախճանվեց Ս. Էջմիածնի Գերազույն Հոգևոր Խորհրդի անդամ Ստեփան Օհանջանի Կամարակյանը:


Ստեփան Կամարակյանը ծնվել է 1873 թվականի մայիսի 31-ին Նախկին Երևանյան նահանգի Սուրմալուի գավառի Բլուր գյուղում, որը գտնվում է ոչ հեռու Իգդիրից: Նախնական կրթությունն ստացել է գյուղական քահանայի մոտ և Իգդիրի տարրական դպրոցում, ապա սովորել է Երևանի ուսանական գիմնազիայում:

1899 թվականին Կամարակյանն ավարտում է բարձրագույն կրթությունը՝ «առաջին կարգի գյուղատնտես» կոչումով, իսկ 1912 թվականին ներկայացնելով «Երևանյան նահանգի հողային հաշվադրումը» թեմայով դիսերտացիոն աշխատանք՝ ստանում է ժողովրդական գյուղատնտեսի աստիճան:

Իր մասնագիտության գծով Ստեփան Կամարակյանը երկար տարիներ աշխատել է Ռուսաստանի և Անդրկովկասի մի շարք նահանգներում և մարզերում:

1916—1918 թվականներին Կամարակյանն աշխատում է Երևանում՝ վարելով մի շարք պատասխանատու պաշտոններ՝ Հայաստանի գյուղատնտեսության գլխավոր կառավարիչ, Հողագործության մինիստրության խորհրդի անդամ և մինիստրի խորհրդական:

Հայաստանում սովետական իշխանություն հաստատվելուց հետո, 1920 թվականի դեկտեմբերի 2-ին, Հայաստանի Հեղկոմը Կամարակյանին նշանակում է Հայկական ՍՍՌ հողագործության ժողովրդական կոմիտեի տեղակալ, իսկ 1921 թվի սեպտեմբերին՝ հողագործության ժողովրդական կոմիտեի: Սույն թվականին Կամարակյանը գործուղ-



վում է Թիֆլիս՝ մասնակցելու Անդրկովկասյան հանրապետությունների սահմանագծերի հաստատման աշխատանքներին:

Այնուհետև 1922 թվականից մինչև 1924 թվականը նա վարում է պատասխանատու պաշտոններ իր մասնագիտության գծով: Կամարակյանը զգալի դեր է կատարել նաև Հայաստանում մասնագետ կադրեր պատրաստելու ասպարեզում: Սկսած 1924 թվականից մինչև 1931 թվականը նա դասախոսել է Երևանի Պետական համալսարանի

Գյուղատնտեսական ֆակուլտետում, ինչպես և Երևանի Գյուղատնտեսական ինստիտուտում, ղեկավարելով միաժամանակ հիշյալ հիմնարկներում ընդհանուր հողագործության և տեխնիկական կուլտուրաների ամբիոնների աշխատանքները:

Ստեփան Կամարակյանը տարել է նաև հասարակական աշխատանք: 1929-ից մինչև 1930 թվականը նա հանդիսացել է Հայաստանի Կենտրոնական գործադիր կոմիտեի անդամ, աշխատակցել է զանազան գիտական հանդեսների՝ գրելով մասնագիտական հոդվածներ հայերեն և ռուսերեն լեզուներով:

1945 թվականի գարնանը գումարված Ազգային-հեղեղցական ժողովրդ Ստեփան Կամարակյանին ընտրում է Գերազույն Հոգևոր Խորհրդի անդամ:

Իր մոտ 60-ամյա պաշտոնավարության ընթացքում Կամարակյանը միշտ եղել է բարեխիղճ, պարտաճանաչ և անձնվեր պաշտոնյա: Սույն թվականի սեպտեմբերին Էջմիածնում գումարված Ազգային-հեղեղցական ժողովը նկատի ունենալով Կամարակյանի՝ Մայր Աթոռի նկատմամբ ունեցած նվիրվածությունը, նրան ընտրեց Գերազույն Հոգևոր Խորհրդի պատվավոր անդամ:

